


唐詩紀

百四十五之五十



和書門			
三	一	二	三
〇	二	六	九
冊	架	函	號

庫文閣內	
三	三
九	七
函	三
一	〇
五	九
架	冊
類	類

內閣文庫	
番號	漢 3739
冊數	30 (27)
函號	319 117

二十七





淺草文庫

盛唐第八十五

唐詩紀一百四十五

鄆郡吳 瑄彙編

鄆郡俞體初同校

杜甫 十七

五言律詩 五


至德二載甫自京金光門出間道歸鳳翔
乾元初從左拾遺移華州掾與親故別因
出此門有悲往事

此道昔歸順西郊胡正煩至今猶

一作破膽應

詩紀

盛唐卷之八十五



猶有未招魂近侍一作歸京邑移官豈
無才日衰老駐馬望千門一作至尊

喜達行在所三首

西憶岐陽信無人遂却迴眼穿當落日心死著寒
灰霧樹行相引蓮峯望忽一作開所親驚老瘦辛
苦賊中來

愁思胡笳夕淒涼漢苑春生還今日事間道暫時
人司隸章初覩南陽氣已新喜心翻倒極嗚咽淚
沾巾


死去憑誰報歸來始自憐猶瞻太白雪喜遇武功
天影靜千官裏心蘇七校前今朝漢社稷新數中
興年

渡江

春江不可渡二月已風濤舟楫欹斜疾魚龍偃臥
高渚花張素錦汀草亂青袍戲問垂綸客悠悠見
汝曹

自閬州領妻子却赴蜀山行三首

汨汨避羣盜悠悠經十年不成向南國復作遊西



川物役水虛照魂傷山寂然我生無倚著盡室畏途邊

長林偃風色迴復意猶迷衫袞翠微潤馬銜青草嘶棧懸斜避石橋斷却尋谿何日干一作戈盡飄飄媿老妻

行色遞隱見人煙時有無僕夫穿竹語稚子入雲呼轉石驚魑魅抨弓落狄颺真供一笑樂似欲慰窮途

晚行口號

三川不可到歸路晚山稠落鴈浮寒水饑鳥集戍樓市朝今日異喪亂幾時休遠愧梁江總還家尚黑頭

船下夔州郭宿雨濕不得上岸別王十二

判官

依沙宿舸船石瀨月娟娟風起春燈亂江鳴夜雨懸晨鍾雲外濕勝地石堂煙柔櫓輕鷗外含悽一作覺汝賢情

灩澦堆

言紀
盛唐卷之八十五
三
巨石水中央江寒出水長沈牛咎雲雨如馬戒舟
航天意存傾覆神功接混茫干戈連解纜行止憶
垂堂

去蜀

五載客蜀郡一年居梓州如何關塞阻轉作瀟湘
遊世事已黃髮殘生隨白鷗安危大臣在不一作
必淚長流

放船

收帆下急水卷幔逐迴灘江市戎戎暗山雲淅淅

寒荒村一作林無徑入獨鳥恠人看已泊城樓底何
曾夜色闌

泊松滋江亭

紗帽隨鷗鳥扁舟繫此亭江湖深更白松竹遠還
青一柱全應近高唐莫再經今宵南極外甘作老
人星

南征

春岸桃花水雲帆楓樹林偷生長避地適遠更需
襟老病南征日君恩北望心百年歌自苦未見有

言終
知音

舟月對驛近寺

更深不假燭月朗自明

一作開

船金利青楓外朱樓

白水邊城烏啼眇眇野鷺宿娟娟皓首江湖客鈎
簾獨未眠

舟中

風餐江柳下雨臥驛樓邊結纜排魚網連檣並米
船今朝雲細薄昨夜月清圓飄泊南庭老祗應學
水仙

移居公安山館

南國晝多霧北風天正寒路危行木杪身遠宿雲
端山鬼吹燈滅厨人語夜闌雞鳴問前館世亂敢
求安

泊岳陽城下

江國踰千里山城僅百層岸風翻夕浪舟雪灑寒
燈畱滯才難盡艱危氣益增圖南未可料變化有
鯤鵬

過洞庭湖

寺已

卷之八十五

五

蛟室圍青草龍堆隱白沙護堤盤古木迎棹舞神
鴉破浪南風正回檣畏日斜湖光與天遠直欲汎
仙槎

宿青草湖

洞庭猶在目青草續爲名宿漿依農事郵籤報水
程寒氷爭倚薄雲月遞微明湖鴈雙雙起人來故
北征

宿白沙驛

自注云初過湖南五里

水宿仍餘照人煙復此亭驛邊沙舊白湖外草新

青萬象皆春氣孤槎自客星隨波無限月一作的好
的近南溟

登白馬潭

水生春纜沒日出野船開宿鳥行猶去叢花笑不
來人人傷白首處處接金杯莫道新知要南征且
未廻

入喬口

自注云長沙北界

漠漠舊京遠遲遲歸路賒殘年傍水國落日對春
華樹密早蜂亂江泥輕燕斜賈生骨已朽悽惻近

長沙

銅官渚守風

不夜楚帆落避風湘渚間水耕先浸草野一作火
更燒山早泊雲物晦逆行波浪慳飛來雙白鶴過
去杳難攀

雙楓浦

輟棹青楓浦雙楓舊已摧自驚衰謝力不道棟梁
材浪足浮紗帽皮須載錦苔江邊地有主暫借上
天迴

發潭州

夜醉長沙酒曉行湘水春岸花飛送客檣燕語留
人賈傅才何一作未有褚公書絕倫名高前後事回
首一傷神

石鏡

按成都記武都山精化為女子蜀王
開明納為妃無幾物故王哀之取武
都山土築為冢
以石鏡表其門

蜀王將此鏡送死置空山冥冥一作寂憐香骨提攜
近玉顏衆妃無復歎千騎亦虛還獨有傷心石埋
輪月宇間

詩已

蘇東坡卷之八十五

七

琴臺

茂陵多病後尚愛卓文君酒肆人間世琴臺日暮
雲野花留寶壓蔓草見羅裙歸鳳求凰意寥寥不
復聞

滕王亭子

亭在玉臺觀內
王會典此州

寂寞春山路君王不復行古牆猶竹色虛閣自松
聲鳥鵲荒村暮雲霞過客情尚思歌吹入千騎把
霓旌

玉臺觀

浩劫因王造平臺訪古遊絲雲蕭史駐文字魯恭
留宮闕通羣帝乾坤到十洲人傳有笙鶴時過北
山頭

禹廟

禹廟空山裏秋風落日斜荒庭垂橘柚古屋畫龍
蛇雲氣生虛壁江聲走白沙早知乘四載疏鑿控
三巴

公安縣懷古

野曠呂蒙營江深劉備城寒天催日短風浪與雲

言糸 屈原卷之六十五
平灑落君臣契飛騰戰伐名維舟倚前浦長嘯一
含情

湘夫人祠

肅肅湘妃廟空牆碧水春蟲書玉珮蘼燕舞翠帷
塵晚泊登汀樹微馨借渚蘋蒼梧恨不盡淚染在
叢筠

祠南夕望

百丈牽船索也牽江色孤舟泛日斜興來猶杖屨目斷
更雲沙山鬼迷春竹湘娥倚暮花湖南清絕地萬

占一長嗟

瞿塘懷古

西南萬壑注勅敵兩崖開地與山根裂江從月窟
來削成當白帝空曲隱陽臺疏鑿功雖美陶鈞力
大哉

懷舊

地下蘇司業親情獨有君那因喪亂後便有死生
分老罷知明鏡悲來望白雲自從失詞伯不復更
論文

過宋員外之問舊莊

自注云員外季弟執金吾見知于代故有

下句

宋公舊池館零落首陽阿枉道祇從入吟詩許更
過淹留問著老寂寞向山河更識將軍樹悲風日
暮多

過故斛斯校書莊二首

自注云老儒艱難時病於庸蜀歎其

歿後方授一官

此老已云歿鄰人嗟未一作嘆亦休竟無宣室召徒有
茂陵求妻子寄他食園林昔昔遊空餘總帷一作遺總

在浙浙野風秋

燕入非傷舍鷗歸祇故池斷橋無復板臥柳自生
枝遂有山陽作多慙鮑叔知素交零落盡白首淚
雙垂

憑孟倉曹將書覓士婁舊莊

平居喪亂後不到洛陽岑為歷雲山問無辭荆棘
深北風黃葉下南浦白頭吟十載江湖客茫茫遲
暮心

廢畦

言終
秋蔬擁霜露豈敢惜凋殘暮景數枝葉天風吹汝
寒綠霑泥滓盡香與歲時闌生意春如昨悲君白
玉盤

收京三首

仙仗離丹極妖星照一作帶玉除須爲下殿走不可

好樓居一作得非羣盜起難作九重居暫屈汾陽駕聊飛燕將書

依然七廟畧更與萬方初

生意甘哀白天涯正寂寥忽聞哀痛詔又下聖明

朝羽翼懷商老文思憶帝堯叨逢罪已日霑灑望

青霄

汗馬收宮闕春城鏃賊壕賞應歌杖杜歸及薦櫻
桃雜虜橫戈數功臣甲第高萬方頽送喜無乃聖
躬勞

卽事

按唐史回紇助討祿山有功請婚肅宗以寧國公主下嫁可汗可汗死公主得還

聞道花門破和親事却非人憐漢公主生得渡河
歸秋思拋雲髻一作鬢腰支賸寶衣羣凶猶索戰回
首意多違

收京

復道收京邑兼聞殺犬戎衣冠却扈從車駕一作馬

已還宮剋復誠如此安危一作扶持在數公莫令回首

地慟哭起悲風

覆舟二首

巫峽盤渦曉黔陽貢物秋丹砂同隕石翠羽共沈

舟羈使空斜影龍宮一作居閼積流篙工幸不溺俄

頃逐輕鷗

竹宮時望拜桂館或求仙姪女凌波日神光照夜

年徒聞斬蛟劍無復爨犀船使者隨秋色迢迢獨上天

警急

自注云時高適領西川節度使

才名舊楚將妙畧擁兵機玉壘雖傳檄松州會解

圍和親知計拙公主漫無歸青海今誰得西戎實

飽飛

王命

漢北豺狼滿巴西道路難血埋諸將甲骨斷使臣

鞍牢落新燒棧蒼茫舊築壇深懷喻蜀意慟哭望

詩已

盛唐詩卷之八十五

七

言終
王官

西山三首

夷界荒山頂蕃州積雪邊築城依白帝轉粟上青天蜀將分旗鼓羌兵助鎧鋌西南背和好殺氣日相纏

辛苦三城戍長防萬里秋煙塵侵火井雨雪閉松州風動將軍幕天寒使者裘漫山賊營壘回首得無憂

子弟猶深入關城未解圍蠶崖鐵馬瘦灌口米船

稀辯士安邊策元戎決勝威今朝烏鵲喜欲報凱歌歸

巴山

巴山遇中使云自陝城來盜賊還奔突乘輿恐未回天寒召伯樹地濶望仙臺狼狽風塵裏羣臣安在哉

夕烽

夕烽來不近每日報平安

按唐六典唐鎮戍烽候所至相去三十里每日

初夜放煙一炬謂之平安火

塞上傳光小雲邊落點殘照秦通

詩紀

盛唐卷之八十五

七

言系
警急過隴自艱難聞道蓬萊殿千門立馬看

觀兵

北庭送壯士貔虎數尤多精銳舊無敵邊隅今若
何妖氛擁白馬元帥待雕戈莫守鄴城下斬鯨遼
海波

觀安西兵過赴關中待命二首

四鎮富精銳摧鋒皆絕倫一作聞獻見士卒足以
靜風塵老馬夜知道蒼鷹饑著人臨危經久戰用
意始知神

奇兵不在衆萬馬救中原談笑無河北心肝奉至
尊孤雲隨殺氣飛鳥避轅門竟日留歡樂城池未
覺喧

有感五首

將帥蒙恩澤兵戈有歲年至今勞聖主何以報皇
天白骨新交戰雲臺舊拓邊乘槎斷消息無處覓
張騫

幽薊餘蛇豕乾坤尚虎狼諸侯春不貢使者日相
望慎勿吞青海無勞問越裳大君先息戰歸馬華

山陽

洛下舟車入天中貢賦均日聞紅粟腐寒待翠華
春莫取金湯固長令宇宙新不過行儉德盜賊本
王臣

丹桂風霜急青梧日夜凋由來強幹地未有不臣
朝受鉞親賢往卑宮制詔遙終依古封建豈獨聽
簫韶

胡滅人還亂兵殘將自疑登壇名絕假報主爾何
遲領郡輒無色之官皆有詞願聞哀痛詔端拱問

瘡痍

宿昔

宿昔東門裏蓬萊仗數移花嬌迎襍樹龍喜出平
池落月留王母微風倚少兒宮中行樂秘少有外
人知

能畫

能畫毛延壽投壺郭舍人每蒙天一笑復以一作
物皆春政化平如水皇恩斷若神時時用抵戲亦

未雜一作風塵

寺記

盛唐卷之八十五

五

言終

鬪雞

明皇好鬪雞又教舞馬四百蹄及於梨園自教法曲

鬪雞初賜錦舞馬既登牀簾下宮人出樓前御柳
長仙遊終一悶女樂久無香寂寞驪山道清秋草
木黃

歷歷

歷歷開元事分明在眼前無端賊盜起忽已歲時
遷巫峽西江外秦城北斗邊為郎從白首臥病數
秋天

洛陽

洛陽昔陷沒胡馬犯潼關天子初愁思都人慘別
顏清笳去宮闕翠蓋出關山故老仍流涕龍髯幸
再攀

驪山

驪山絕望幸花萼罷登臨地下無朝燭人間有賜
金鼎湖龍去遠銀海鴈飛深萬歲蓬萊日長懸舊
羽林

提封

提封漢天下萬國尚同心借問懸車守何如儉德

寺記

盛唐卷之八十五

七

言糸
臨時徵俊又入草竊一作莫慮犬羊侵願戒兵猶火恩
加四海深

洞房

洞房環珮冷玉殿起秋風秦地應新月龍池滿舊
宮繫舟今夜遠清漏往時同萬里黃山北園陵白
露中

擣衣

亦知戍不返秋至拭清砧已近苦寒月况經長別
心寧辭擣衣倦一寄塞垣深用盡閨中力君聽空

外音

詩已

盛唐詩卷之八十五

十一

盛唐第八十五

盛唐第八十六

唐詩紀一百四十六

鄆郡吳瑄彙編

鄆郡俞體初同校

杜甫 十八

五言律詩 六

秦州二十首

滿目悲生事 因人作遠遊
遲迴度隴怯 浩蕩及關愁
水落魚龍夜 山空鳥鼠秋
西征問烽火 心折此淹留

秦州城一作山北寺傳是一作勝跡隗囂宮苔蘚山門古

丹青野殿空月明垂葉露雲逐渡谿風清渭無情

極愁時獨向東

州圖領同谷驛道出流沙降虜兼千帳居人有萬

家馬驕朱一作珠汗落胡舞白題舊作蹄斜年少臨洮

子西來亦自誇

鼓角緣邊郡川原欲夜時秋聽殷音隱地發風散入

雲悲抱葉寒蟬靜歸山獨鳥遲萬方聲一槩吾道

竟何之

南使宜天馬由來萬匹強浮雲連陣沒秋草徧山

長聞說真龍種仍殘老驪驢哀鳴思戰鬪迴立向

蒼蒼

城上胡笳奏山邊漢節歸防河赴滄海奉詔發金

微士苦形骸黑林一作旌踈鳥獸稀那堪往來戍恨

解鄴城圍

莽莽萬重山孤城山谷間無風雲出塞不夜月臨

關屬國歸何晚樓蘭斬未還煙塵一一作獨長望衰

颯正摧顏

詩已

盛唐卷之八十六

二

聞道尋源使從天此路回牽牛去幾許宛馬至今
來一望幽燕隔何時郡國開東征健兒盡羌笛暮
吹哀

今日明人眼臨池好驛亭叢篁低地碧高柳半天
青稠疊多幽事喧呼閱使星老夫如有此不異在
郊垆

雲氣接崑崙淅淅塞雨繁羌童看渭水使客向河
源煙火軍中慕牛羊嶺上村所居秋草靜正閉小
蓬門

蕭蕭古塞冷漠漠秋雲

風一作

低黃鵠翅垂雨蒼鷹

饑啄泥薊門誰自北漢將獨征西不意書生耳臨
衰厭鼓鞞

山頭南郭寺水號北流泉老樹空庭得清渠一邑
傳秋花危石底晚景臥鐘邊俯仰悲身世谿風爲
颯然

傳道東柯谷深藏數十家對門藤蓋瓦映竹水穿
沙瘦地翻宜粟陽坡好種瓜船人近相報但恐失
桃花

詩紀

盛唐卷之八十六

三

萬古仇池穴潛通小有天神魚人不見福地語真
傳近接西南境長懷十九泉何時一茅屋送老白
雲邊

未暇泛滄海悠悠兵馬間塞門風落木客舍雨連
山阮籍行多興龐公隱不還東阿遂踈嬾休鑷鬢
毛斑

東柯好崖谷不與衆峯羣落日邀雙鳥晴天卷片
雲野人矜險絕水竹會平分采藥吾將老童兒

童兒未遣聞

邊秋陰易夕不復辨晨光簷雨亂淋幔山雲低度
墻鷓鴣窺淺井蚯蚓上深堂車馬何蕭索門前百
草長

地僻秋將盡山高客一作夜未歸塞雲多斷續邊日
少光輝警急烽常報傳聲一作聞檄屢飛西戎外甥

國何得近天威

鳳林戈未息魚海路常難候火雲峯峻懸軍幕井
乾風連西極動月過北庭寒故老思飛將何時議
築壇

唐堯真自聖野老復何知
曬藥能無婦應門亦有
兒藏書聞禹穴讀記憶仇池
爲報鷓行舊鷓鷯在
一枝

春日江村五首

農務村村急春流岸岸深
乾坤萬里眼時序百年
心茅屋還堪賦桃源自可尋
艱難昧生理飄泊到
如今

迢遞來三蜀蹉跎又六年
客身逢故舊發興自林
泉過懶從衣結頰遊任履穿
藩籬頗無限

一作無
限景

恣意向一作買江天

種竹交加翠栽桃爛熳紅
經心石鏡月到面雪山
風赤管隨王命銀章付老翁
豈知牙齒落名玷薦
賢中

扶病垂朱紱歸休步紫苔
郊扉存晚計幕府媿羣
材燕外晴絲卷鷗邊水葉開
鄰家送魚鱉問我數
能來

羣盜哀王粲中年召賈生
登樓初有作前席竟爲
榮宅入先賢傳才高處士名
異時懷二子春日復

言系
屈居卷之八十一
五
舍情

寓目

一縣蒲萄熟秋山苜蓿多關雲常帶雨塞水不成
河羌女輕烽燧胡兒制讀作駱駝自傷遲暮眼喪
亂飽經過

獨立

空外一鷺鳥河間雙白鷗飄颻搏擊便容易往來
遊草露亦多濕蛛絲仍未收天機近人事獨立萬
端憂

野望

清秋望不極迢遞起層陰遠水兼天淨孤城隱霧
深葉稀風更落山迴日初沈獨鶴歸何晚昏鴉已
滿林

空囊

翠柏苦猶食明霞高一作朝可餐世人共鹵莽吾道
屬艱難不爨井晨凍無衣牀夜寒囊空恐羞澀留
得一錢看

東樓

詩紀

盛唐卷之八十一

六

萬里流沙道征西過此門但添新戰骨不返舊征
魂樓角凌風迴城陰帶水昏傳聲看驛使送節向
河源

春望

國破山河在城春一作荒草木深感時花濺淚恨別
鳥驚心烽火連三月家書抵萬金白頭搔更短渾
欲不勝簪

城上

草滿巴西綠空城白日長風吹花片片春動一作蕩

水茫茫八駿隨天子羣臣從武皇遙聞出巡狩早
晚遍遐荒

更題

只因一作應踏初雪騎馬發荊州直怕巫山雨真傷
白帝秋羣公蒼玉珮天子翠雲裘同舍晨趨侍胡
為淹此畱

峽隘

聞說江陵府雲沙靜眇然白魚如切玉朱橘不論
錢水有遠湖樹人今何處船青山各在眼却望峽

詩紀

盛唐卷之八十一

詩經
卷之八十六
七
中天

雲山

京洛雲山外音書靜不來神交作賦客力盡望鄉
臺衰疾江邊臥親朋日暮迴白鷗元水宿何事有
餘哀

南楚

南楚青春異暄寒早早分無名江上草隨意嶺頭
雲正月蜂相見非時鳥共聞杖藜妨躍馬不是故
離羣

避地

避地歲時晚竄身筋骨勞詩書遂墻壁奴僕且旌
旄行在僅聞信此生隨所遭神堯舊天下會見出
腥臊

出郭

霜露晚淒淒高天逐望低遠煙鹽井上斜景雪峯
西故國猶兵馬他鄉亦鼓鼙江城今夜客還與舊
鳥啼

對雨書懷走邀許王簿

詩經

卷之八十六

八

東嶽雲峯起溶溶滿太虛震雷翻幕燕驟雨落河
一作谿魚座對賢人酒門聽長者車相邀愧泥濘騎
馬到堦除

西閣雨望

樓雨霑雲幔山寒著水城逕添沙面出湍減石稜
生菊藥淒踈放松林駐遠情滂沱朱檻濕萬慮傷
簷楹

西閣夜

恍惚寒山暮逶迤白霧昏山虛風落石樓靜月侵

門擊柝可憐子無衣何處村時危關百慮盜賊爾
猶存

草閣

草閣臨無地柴扉水不關魚龍回夜水星月動秋
山久露晴一作清初濕高雲薄未還汎舟慙小婦飄
泊損紅顏

樓上

天地空搔首頰抽白玉簪皇輿三極北身事五湖
南戀闕勞肝肺論材愧杞柟亂離難自救終是老

詩經
盛唐卷之八十六
九
湘潭

峽口二首

峽口大江間西南控百蠻城歌連粉堞岸斷更青
山開闢當天險防隅一水關亂離聞鼓角秋氣動
衰顏

時清關失險世亂戟如林去矣英雄事荒哉割據
心蘆花留客晚楓樹坐猿深疲爾煩親故諸侯數

賜金

自注云主人柏
中丞頻分月俸

東屯北崦

盜賊浮生困誅求異俗貧空村唯見鳥落日未逢
人步壑風吹面看松露滴身遠山回白首戰地有
黃塵

秋峽

江濤萬古峽肺氣久衰翁不寐防巴虎全生狎楚
童衣裳垂素髮門巷落丹楓嘗恠商山老兼存翊
贊功

地隅

江漢山重阻風雲地一隅年年非故物處處是窮

詩紀

盛唐卷之八十六

十一

詩經
卷之八
十一
途喪亂秦公子悲涼楚大夫平生心已折行路日
荒蕪

江上

江上日多雨蕭蕭荆楚秋高風下木葉永夜攬貂
裘勲業頻看鏡行藏獨倚樓時危思報主衰謝不
能休

江漢

江漢思歸客乾坤一腐儒片雲天共遠永夜月同
孤落日心猶壯秋風病欲蘇古來存老馬不必取

長途

野望

納納乾坤大行行郡國遙雲山兼五嶺風壤帶三
苗野樹侵江濶春蒲長雪消扁舟空老去無補聖
明朝

征夫

十室幾人在千山空自多路衢唯見哭城市不聞
歌漂梗無安地銜枚有荷戈官軍未通蜀吾道竟
如何

垂白

垂白馮唐老清秋宋玉悲江喧長少睡樓迴獨移
時多難身何補無家病不辭甘從千日醉未許七
哀詩

遠遊

江濶浮高棟雲長出斷山塵沙連越舊風雨暗荆
蠻鴈矯銜蘆內猿啼失木間弊裘蘇季子歷國未
知還

搖落

搖落巫山暮寒江東北流煙塵多戰鼓風浪少行
舟鵝費羲之墨貂餘季子裘長懷報明主臥病復
高秋

不歸

河間尚征伐汝骨在空城從弟人皆有終身恨不
平數金憐俊邁總角愛聰明面上三年土春風草
又生

遠遊

賤子何人記迷方著處家竹風連野色江沫擁春

沙種藥扶衰病吟詩解歎嗟似聞胡騎走失喜問
京華

遊子

巴蜀愁誰語吳門興杳然九江春草外三峽暮帆
前厭就成都卜休爲吏部眠蓬萊如可到衰白問
羣仙

薄遊

浙浙風生砌團團月隱墻遙空秋鴈滅一作半嶺
暮雲長病葉多先墜寒花只暫香巴城添淚眼今

夕復清一作光

客夜

客睡何曾著秋天不肯明入一作簾殘月影高枕
遠江聲計拙無衣食途窮仗友生老妻書數紙應
悉未歸情

客亭

秋窓猶曙色木落更天風日出寒山外江流宿霧
中聖朝無棄物老病已成翁多少殘生事飄零任
流一作轉蓬

詩已

卷之八

三

歸

束帶還騎馬東西却渡船林中纔有地峽外絕無
天虛白高人靜喧卑俗累牽他鄉閱遲暮不敢廢
詩篇

獨坐二首

竟日雨冥冥雙崖洗更青水花寒落岸山鳥暮過
庭煖老須燕玉充饑憶楚萍胡笳在樓上哀怨不
堪聽

白狗斜臨北一作谷黃牛更在東峽雲常照夜江日

會兼風曬藥安垂老應門試小童亦知行不逮苦
恨耳多聾

久客

羈旅知交態淹留見俗情衰顏聊自哂小吏最相
輕去國哀王粲傷時哭賈生狐狸何足道豺虎正
縱橫

獨坐

悲秋回白首倚杖背孤城江斂渚洲出天虛風物
清滄溟服一作恨衰謝朱紱負平生仰羨黃昏鳥投

林羽翮輕

客舊館

陳迹隨人事初秋別此亭重來梨葉赤依舊竹林
青風慢何時卷寒砧昨夜聽無由出江漢愁緒日
冥冥

愁坐

高齋常見野愁坐更臨門十月山寒重孤城水氣
昏葭萌氏種迴左擔蜀有左犬戎存終日憂奔走
歸期未敢論

懷錦水居止二首

軍旅西征僻風塵戰伐多猶聞蜀父老不忘舜謳
歌天險終難立柴門豈重過朝朝巫峽水遠逗錦
江波

萬里橋西

一作南

宅百花潭北莊層軒皆面水老樹

飽經霜雪嶺界天白錦城曛日黃惜哉形勝地回
首一茫茫

憶鄭南玘

玘音此

鄭南伏毒寺瀟灑到江心石影銜珠閣泉聲帶玉

詩已

盛唐詩卷之八

五

言終
盛唐卷之八十六
琴風杉曾曙倚雲矯憶春臨萬里滄浪一作水龍
蛇只自深

懷灞上游

悵望東陵道平生灞上游春濃停野騎夜宿敞雲
樓離別人誰在經過老自休眼前今古意江漢一
歸舟

盛唐第八十六

盛唐第八十七

唐詩紀一百四十七

鄆郡吳瑄彙編

鄆郡俞體初同校

杜甫十九

五言律詩七

遣懷

愁眼看霜露寒城菊自花天風隨斷柳客淚墮清
笳水淨樓陰直山昏塞日斜夜來歸鳥盡啼殺後
棲鴉

詩紀

盛唐卷之八十六

遣興

干戈猶未定弟妹各何之
拭淚霑襟血梳頭滿面
絲地卑荒野大天遠暮江遲
衰疾那能久應無見
汝期

散愁二首

久客宜旋旆興王未息戈
蜀星陰見少江雨夜聞
多百萬傳深入寰區望匪他
司徒下燕趙收取舊
山河

聞道并州鎮尚書
訓士齊幾時通薊北
當日報關

西戀闕丹心破
霑衣皓首啼
老竟招不得歸
路恐
長迷

獨酌成詩

燈花何太喜酒綠正相親
醉裏從為客詩成覺有
神兵戈猶在眼儒術豈謀身
苦被微官縛低頭愧
野人

草堂卽事

荒村建子月獨樹老夫家
雪裏江船渡風前徑竹
斜寒魚依密藻宿鷺起
圓沙濁酒禁愁得無錢何

言終
處賒

遣憤

聞道花門將論功未盡歸自從收帝里誰復總戎
機蜂蠆終懷毒雷霆可震威莫令鞭血地再濕漢
臣衣

遣愁

養拙蓬爲戶茫茫何所開江通神女館地隔望鄉
臺漸惜容顏老無由弟妹來兵戈與人事回首一
悲哀

有歎

自注云傳蜀官軍自圍普遂

壯心久零落白首寄人間天下兵常闔江東客未
還窮猿號雨雪老馬望一作怯關山武德開元際蒼
生豈重攀

不寐

瞿塘夜水黑城內改更籌翳翳月沈霧輝輝星近
樓氣衰甘少寐心弱恨容愁多壘滿山谷桃源無
處求

老病

詩已

盛唐詩卷之八十三

三

老病巫山裏稽留楚客中藥殘他日裏花發去年
叢夜足霑沙雨春多逆水風合分雙賜筆猶作一
飄蓬

耳聾

生年鶻冠子歎世鹿皮翁眼復幾時暗耳從前月
聾猿鳴秋淚缺雀噪晚愁空黃落驚山樹呼兒問
朔風

戲作俳諧體遣悶二首

異俗吁可恠斯人難並居家家養烏鬼頓頓食黃

魚舊識難為態新知已暗踈治生且耕鑿只有不

關渠

西歷青羌坂南留白帝城於菟侵客恨拒收上奇舉切

下音汝以蜜和米麵煎作之作人情瓦卜傳神語畚田費火聲

是非何處定高枕笑浮生自注云頃歲自秦涉隴從同谷縣出遊蜀留滯

於巫山也

刈稻子詠懷

稻穫空雲水川平對石門寒風踈草木旭一作日曉

散雞豚野哭初聞戰樵歌稍出村無家問消息作

客信乾坤

悶

瘴癘浮三蜀風雲暗百蠻卷簾惟白水隱几亦青山猿捷長難一作相見鷗輕故不還無錢從滯客有鏡巧催顏

遣憂

亂離知又甚消息苦難真受諫無今日臨危憶古人紛紛乘白馬攘攘著一作看黃巾隋氏留宮室焚燒何太頻

悲秋

涼風動萬里羣盜尚縱橫家遠傳書日秋來為客情愁窺一作歸高鳥過老逐衆人行始欲投三峽何由見兩京

歸夢

道路時通塞江山日寂寥偷生惟一老伐叛已三朝雨急青楓暮雲深黑水遙夢竟一作歸未得不用楚辭招

旅夜書懷

詩系 卷之七
五
細草微風岸危檣獨夜舟星垂平野闊月湧大江
流名豈文章著官應老病休飄飄何所似天地一
沙鷗

孟倉曹步趾領酒醬二物滿器見遺老夫
楚岸通秋屐胡牀面夕畦藉糟分汁滓甕醬落提
攜飯糲添香味朋來有醉泥理生那免俗方法報
山妻

秋日阮隱居致薤三十束
隱者柴門內畦蔬遶舍秋盈筐承露薤不待致書

求東比青芻色圓齊玉筋頭衰年關鬲冷味煖併
無憂

從人覓小胡孫許寄

人說南州路山猿樹樹懸舉家聞若駭一作爲寄
小如拳預晒愁胡面初調見馬鞭許求聰慧者童
稚捧應癩

村夜

風色蕭蕭暮一作蕭蕭 風色暮江頭人不行村春雨外急
鄰火夜深明胡羯何多難漁樵寄此生中原有兄

詩紀

孟倉曹步趾領酒醬二物滿器見遺老夫

六

言糸
弟萬里正含情

倦夜

竹涼侵臥內野月滿庭隅重露成涓滴稀星乍有
無暗飛螢自照水宿鳥相呼萬事干戈裏空悲清
夜徂

中夜

中夜江山靜危樓望北辰長爲萬里客有媿百年
身故國風雲氣高堂戰伐塵胡雛負恩澤嗟爾太
平人

薄暮

江水最深地山雲薄暮時寒花隱亂草宿鳥擇深
枝舊國見何日高秋心苦悲人生不再好髮髮白
成絲

春遠

蕭蕭花絮晚霏霏紅素輕日長唯鳥雀春遠獨柴
荆數有關中亂何曾劔外清故鄉歸不得地入亞
夫營

暮寒

詩紀

盛唐卷之三

七

言終
五原卷之六
霧隱平郊樹風含廣岸波沈沈春色靜慘慘暮寒
一作雲多戍鼓猶長擊林鶯遂不歌忽思高宴會朱
袖拂雲和

歲暮

歲暮遠爲客邊隅還用兵煙塵犯雪嶺鼓角動江
城天地日流血朝廷誰請纓濟時敢愛死寂寞壯
心驚

杜位宅守歲

守歲阿戎一作咸家椒盤已頌花盞簪喧櫪馬列炬

散林鴉四十明朝過飛騰暮景斜誰能更拘束爛
醉是生涯

寒食

寒食江村路風花高下飛汀煙輕冉冉竹日淨暉
暉田父要皆去鄰家問一作開不違地偏相識盡雞
犬亦忘歸

夜

絕岸風威動寒房燭影微嶺猿霜外宿江鳥夜深
飛獨坐親雄劔哀歌歎短衣煙塵繞閭闔白首壯

詩已

盛唐卷之六

言終
心違

初冬

垂老戎衣窄歸休寒色深漁舟上急水獵火著高
林日有一作暮習池醉愁來梁甫吟干戈未偃息出
處遂何心

將曉二首

石城除擊柝鐵鎖欲開關鼓角悲荒塞星河落曉
山巴人常小梗蜀使動無還垂老孤帆色飄飄犯
百蠻

軍吏迴官燭舟人自楚歌寒沙蒙薄霧落月去清
波壯惜身名晚衰慙應接多歸朝日簪笏筋力定
如何

日暮

牛羊下來夕一作久各已閉柴門風月自清夜江山
非故園石泉流暗壁草露滿秋原一作滴頭白明
燈裏何須花燼繁

日暮

日落風亦起城頭烏尾訛黃雲高未動白水已揚

言終
盛唐卷之十七
九
波羌婦語還哭胡兒行且歌將軍別上
一作馬夜
出擁雕戈

秋清

高秋蘇肺氣白髮自能梳藥餌憎加減門庭悶掃
除杖藜還客拜愛竹遣兒書十月江平穩輕舟進
所如

中宵

西閣百尋餘中宵步綺疏飛星過水白落月動沙
虛擇木知幽鳥潛波想巨魚親朋滿天地兵甲少

來書

冬深

花葉隨天意江谿共石根早霞隨類影寒水各依
痕易下楊朱淚難招楚客魂風濤暮不穩捨棹宿
誰門

社日二首

九農成德業百祀發光輝報効神如在馨香舊不
違南翁巴曲醉北鴈塞聲微尚想東方朔詼諧割
肉歸

詩紀

盛唐卷之十七

九

陳平亦分肉太史竟論功今日江南老他時渭北
童歡娛看絕塞涕淚落秋風鷓鴣迴金闕誰憐病
峽中

暝

日下四山陰山庭嵐氣侵牛羊歸徑險鳥雀聚林
枝一作深正枕當星劔收書動玉琴半扉開燭影欲
掩見清砧

夜二首

白夜月休弦燈花半委眠號山無定鹿落樹有驚

蟬暫憶江東鱸兼懷雪下船蠻歌犯星起一作重
覺在天邊

城郭悲笳暮村墟過翼稀甲兵年數久賦歛夜深
歸暗樹依巖落明河遠塞微斗斜人更望月細鵲
休飛

大曆二年九月三十日

爲客無時了悲秋向夕終瘴餘夔子國霜薄楚王
宮草敵虛嵐翠花禁冷藥紅年年小搖落不與故
園同

詩紀

盛唐卷之八十七

七

十月一日

有瘴非全歇為冬不亦難夜郎谿日煖白帝峽風
寒蒸裏如千室蔗糖幸一拌與盤同茲晨南國重舊
俗自相歡

孟冬

殊俗還多事方冬變所為破柑霜落爪嘗稻雪翻
匙巫峽一作岫寒都薄烏蠻瘴遠隨終然減灘瀨暫
喜息蛟螭

朝二首

清旭楚宮南霜空萬嶺含野人時獨往雲木曉相
參俊鶻無聲過饑鳥下食貪病身終不動搖落任

江潭

浦帆去聲晨初發郊扉冷未開林一作村踈黃葉墜野

靜白鷗來礎潤休全濕雲晴欲半回巫山冬可恠
昨夜有奔雷

向夕

畎畝孤城外江村亂水中深山催短景喬木易高
風鶴下雲汀近雞栖草屋同琴書散明燭長夜始

詩記

孟冬卷之八

七

言終
堪終

曉望

白帝更聲盡陽臺曉色分
高峯寒上日疊嶺宿霾
雲地坼江帆隱天清木葉聞
荆扉對麋鹿應共爾
爲羣

晚

杖藜尋晚巷炙背近墻暄
人見幽居僻吾知養拙
尊朝廷問府主耕稼學山村
歸翼飛棲定寒燈亦
閉門

人日

元日到人日未有不陰時
冰雪鶯難至春寒花較
遲雲隨白水落風振紫山悲
蓬髮稀疎久一作無
勞比素絲

九日二首

舊日重陽酒傳杯不放杯
卽今蓬髮改但媿菊花
開北闕心長戀西江首獨回
茱萸賜朝士難得一
枝來

舊與蘇司業兼隨鄭廣文
采花香泛泛坐客醉紛

詩紀

盛唐卷之八

三

言終
紛野樹歌一作還倚秋砧醒却聞歡娛兩冥漠西
北有孤雲

熱三首

雷霆空霹靂雲雨竟虛無炎赫衣流汗低垂氣不
蘇乞爲寒水玉願作冷秋菰何似兒童歲風涼出
舞雩

瘴雲終不滅瀘水復西來閉戶人高臥歸林鳥却
迴峽中都似火江上只空雷想見陰宮雪風門颯
沓開

朱李沈不冷雕胡炊屢新將衰骨盡痛被嚼味空
頻歛翕炎蒸景飄颻征戍人十年可解甲爲爾一
霑巾

晴二首

久雨巫山暗新晴錦繡文碧知湖外草紅見海東
雲竟日鶯相和摩霄鶴數羣野花乾更落風處急
紛紛

啼鳥爭引子鳴鶴不歸林下食遭泥去高飛恨久
陰雨聲衝塞盡日氣射江深回首周南客驅馳魏

言
關心

晚晴

晚照斜初徹浮雲薄未歸江虹明遠飲峽雨落餘
飛鳧鴈一作鶴終高去熊羆覺自肥秋分客尚在竹
露夕微微

晚晴

村晚驚風度庭幽一作幽亭過雨霑夕陽薰細草江色
映踈簾書亂誰能帙杯乾自可添時聞有餘論未
恠老夫潜

對雨

莽莽天涯雨江邊獨立時不愁巴道路恐濕今作失
漢旌旗雪嶺防秋急繩橋戰勝遲西戎甥舅禮未
敢背恩私

朝雨

涼氣曉蕭蕭江雲亂眼飄風鴛鴦藏近渚雨燕集深
條黃綺終辭漢巢由不見堯草堂樽酒在幸得過
清朝

喜雨

詩紀

盛唐卷之八

七

南國早無雨今朝江出雲入空纔漠漠灑迥已紛
紛巢燕高飛盡林花潤色分晚來聲不絕應得夜
深聞

村雨

雨聲傳兩夜寒事颯高秋挈帶看朱絃開箱覩黑
裘世情只益睡盜賊敢忘憂松菊新霑洗茅齋慰
遠遊

雨晴

雨時今本山不改晴罷峽如新天路看殊俗秋江
作晴

思殺人有猿揮淚盡無犬附一作書頻故國愁眉
外長歌欲損神

梅雨

南京犀浦道四月熟黃梅湛湛長江去冥冥細雨
來茅茨踈易濕雲霧密難開竟日蛟龍喜盤渦與
岸迴

雨晴

天際一作秋雲薄從西萬里風今朝好晴景久雨
不妨農塞一作柳行踈翠山梨結小紅胡笳樓上

詩紀

盛唐卷之八上

三

發一鴈入高空

春夜喜雨

好雨知時節當春乃發生隨風潛入夜潤物細無
聲野徑雲俱黑江船火獨明曉看紅一作濕處花
重錦官城

白水明府舅宅喜雨得過字

吾舅政如此古人誰復過碧山晴又濕白水雨偏
多精禱既不昧歡娛將謂何湯年旱頗甚今日醉
弦歌

對雪

戰哭多新鬼愁吟獨老翁亂雲低薄暮急雪舞迴
風瓢棄樽無綠爐存火似紅數州消息斷愁坐正
書空

月夜

今夜鄜音孚州月閨中只獨看遙憐小兒女未解憶
長安香霧雲鬟濕清輝玉臂寒何時倚虛幌雙照
淚痕乾

對雪

詩已

卷之六

七

言
北雪犯長沙胡雲冷萬家隨風且間葉帶雨不成
花金錯囊垂一作徒罄銀壺酒易賒無人竭浮蟻有
待至昏鴉

又雪

南雪不到地青崖霑未消微微向日薄脉脉去人
遙冬熱鴛鴦病峽深豺虎驕愁邊有江水焉得北
之朝

夜雨

小雨夜復密回風吹早秋野涼侵閉戶江滿帶維

舟通籍恨多病爲郎忝薄遊天寒出巫峽醉別仲
宣樓

一百五日夜對月

無家對寒食有淚如金波斫却月中桂清光應更
多此離放紅蘂想像嘖青蛾牛女謾愁思秋期應
渡河

月圓

孤月當樓滿寒江動夜扉委波金不定照席綺逾
依未缺空山靜高懸列宿稀故園松桂發萬里共

詩紀

盛唐卷之八七

六

清輝

八月十五夜月二首

滿目飛明鏡歸心折大刀轉蓬行地遠攀桂仰天
高水路疑一作疑霜雪林棲見羽毛此時瞻白兔直
欲數秋毫

稍下巫山峽猶銜白帝城氣沈全浦暗輪側半樓
明刀斗皆催曉蟾蜍且自傾張弓倚殘魄不獨漢
家營

十六夜翫月

舊挹金波爽皆傳玉露秋關山隨地闕河漢近人
流谷口樵歸唱孤城笛起愁巴童渾不寢半夜有
行舟

十七夜對月

秋月仍圓夜江村獨老身捲簾還照客倚杖更隨
人光射潛蚪動明翻宿鳥頻茅齋依橘柚清切露
華新

江月

江月光於水高樓思殺人天邊長作客老去一霜

詩記

盛唐卷之六

七

言終
中玉露溥一作團清影銀河没半輪誰家挑錦字燭
滅翠眉頰

晨雨

小雨晨光內初來葉上聞霧交纒灑地風逆旋隨
雲暫起柴荆一作門色輕霑鳥獸羣麝香山一半亭
午未全分

江邊星月二首

驟雨清秋夜金波耿玉繩天河元自白江浦向來
澄映物連珠斷緣空一鏡升餘光憶一作隱更漏况

乃露華凝

江月辭風纜江星別霧船雞鳴還曙一作曉色鷺浴

自晴一作清川歷歷竟誰種悠悠何處圓客愁殊未

已他夕始相鮮

盛唐第八十七

盛唐第八十八

唐詩紀一百四十八

鄆郡吳 瑄彙編

鄆郡俞體初同校

杜甫 二十

五言律詩 八

月

天上秋期近
人間月影清
入河蟾不沒
搗藥兔長生
只益丹心苦
能添白髮明
干戈知滿地
休照國西營

詩紀

盛唐卷之六

三

天河

常時任顯晦秋至最分明縱被微雲掩終能永夜
清含星動雙闕伴月落邊城牛女年年渡何曾風
浪生

初月

光細一作常時弦欲上影斜輪未安微升古塞外已隱
暮雲端河漢不改色關山空自寒庭前有白露暗
滿菊花團

雨

萬木雲深隱連山雨未開風扉掩不定水鳥去仍
回鮫館仍鳴杼樵舟豈伐枚清涼破炎毒衰意欲
登臺

月

四更山吐月殘夜水明樓塵匣元開鏡風簾自上
鈎兔應疑鶴髮蟾亦戀貂裘斟酌姮娥寡天寒柰
九秋

雨

冥冥甲子雨已度立春時輕箠煩相一作須向織絺

詩已

盛唐詩卷之八

七

詩經
屈唐卷之八
三
恐自疑煙添纔有色風引更如絲直覺巫山暮兼
催宋玉悲

雨

始賀天休雨還嗟地出雷驟看浮峽過密作渡江
來牛馬行無色蛟龍鬪不開干戈盛陰氣未必自
陽臺

月

斷續巫山雨天河此夜新若無青嶂月愁殺白頭
人颯颯移深一作多樹蝦蟇動半輪故園當北斗直

指一作想照西秦

雲

龍以瞿塘會江依白帝深終年常起峽每夜一作宿
必通林收穫辭霜渚分明在夕岑高齋非一處秀
氣豁煩襟

雨四首

微雨不滑道斷雲踈復行紫崖奔處黑白鳥去邊
明秋日新霑影寒江舊落聲柴扉臨野碓半濕搗
香杭

詩紀

盛唐卷之八

三

言終
江雨舊無時天晴忽散絲暮秋霑物冷今日過雲
遲上馬迴休出看鷗坐不辭高軒當灑瀨潤色靜
書帷

物色歲將晏天隅人未歸朔風鳴淅淅寒雨下霏
霏多病久加飯衰容新授衣時危覺凋喪故舊短
書稀

楚雨石苔滋京華消息遲山寒青兕叫江晚白鷗
饑神女花鈿落鮫人織杼悲繁憂不自整終日灑
如絲

雷

巫峽中宵動滄江十月雷龍蛇不成蟄天地劃爭
迴却碾空山過深蟠絕壁來何須妬雲雨霹靂楚
王臺

反照

反照開巫峽寒空半有無已低魚復暗不盡白鹽
孤菰岸如秋水松門似畫圖牛羊識童僕既夕應
傳呼

月

寺記

盛唐卷之八十八

四

萬里瞿塘月一作峽春來六上弦時時開暗室故故
滿青天爽合風襟靜高堂一作當空淚臉懸南飛有鳥
鵲夜久落江邊

月

併照巫山出新窺楚水清羈棲愁裏見二十四迴
明必驗升沈體如知進退情不違銀漢落亦伴玉
繩橫

長江二首

衆水會涪萬瞿塘爭一門朝宗人共挹盜賊爾誰

尊孤石隱如馬高蘿垂飲猿歸心異波浪何事卽
飛翻

浩浩終不息乃知東極臨衆流歸海意萬國奉君
心色借瀟湘闊聲驅濫瀕深未辭添霧雨接上一作

下遇一作過衣襟

江漲

江發蠻夷漲山添雨雪流大聲吹地轉高浪蹴天
浮魚驚爲人得蛟龍不自謀輕帆好去便吾道付
滄洲

詩紀

盛唐卷之八

五

江漲

江漲柴門外兒童報急流下牀高數尺倚杖沒中洲細動迎風燕輕搖逐浪鷗漁人縈小楫容易拔船頭

嚴鄭公堦下新松得霑字

弱質豈自負移根方爾瞻細聲聞玉帳踈翠近珠簾未見紫煙集虛蒙清露霑何當一百丈歌蓋擁高簷

嚴鄭公宅同詠竹得香字

綠竹半含籜新梢纔出牆色侵書帙晚陰過酒樽涼雨洗娟娟淨風吹細細香但令無翦伐會見拂雲長

苦竹

青冥亦自守軟弱強扶持味苦夏蟲避叢卑春鳥疑軒墀曾不重翦伐欲無辭幸近幽人屋霜根結在茲

蒹葭

摧折不自守秋風吹若何暫時花帶一作雪幾處

詩已

盛唐卷之八

六

言終
盛唐卷之八
葉沈波體弱春苗早叢長夜露多江湖後搖落亦
恐歲蹉跎

梔子

梔子比衆木人間誠未多於身色有用與道氣傷
和紅取風霜實青看雨露柯無情移得汝貴在映
江波

高栴

栴樹色冥冥江邊一蓋青近根開藥圃接葉製茅
亭落影陰猶合微風韻可聽尋常絕酒一作困臥

此片時醒

惡樹

獨遶虛齋徑常持小斧柯幽陰成頗雜惡木翦還
多枸杞固吾有雞棲柰汝何方知不材者生長漫
婆娑

江梅

梅蕊臘前破梅花年後多絕知春意早最柰客愁
何雪樹元一作能同色江風亦自波故園不可見巫
岫鬱嵯峨

庭草

楚草經寒碧庭春入眼濃舊低收葉舉新掩卷牙
重步履宜輕過開筵得屢供看花隨節序不敢疆
為容

早花

西京安穩未不見一人來臘月巴江曲山花已自
開盈盈當雪杏豔豔待春一作香梅直苦風塵暗誰
憂客一作容鬢催

花底

紫萼扶千藥黃鬚照萬花忽疑行暮雨何事入朝
霞恐是潘安縣堪留衛玠車深知好顏色莫作委
泥沙

柳邊

只道梅花發那知柳亦新枝枝總到地葉葉自開
春紫燕時翻翼黃鸝不露身漢南應老盡霸上遠
愁人

房兵曹胡馬

胡馬大宛名鋒稜瘦骨成竹批雙耳峻風入四蹄

輕所向無空闊真堪託死生驍騰有如此萬里可
橫行

玉腕驕

自注云江陵節度衛公馬也

聞說荆南馬尚書玉腕驕頓驂飄赤汗跼躄顧長
秋胡虜三年入乾坤一戰收舉鞭如有問欲伴習
池遊

病馬

乘爾亦已久天寒關塞深塵中老盡力歲晚病傷
心毛骨豈殊衆馴良猶至今物微意不淺感動一

沈吟

鷓鴣

故使籠寬織須知動損毛看雲莫悵望失水任呼
號六翮曾經剪孤飛卒未高且無鷹隼慮畱滯莫
辭勞

花鴨

花鴨無泥滓堦前每緩行羽毛知獨立黑白太分
明不覺羣心妬休牽衆眼驚稻梁霑汝在作意莫
先鳴

詩已

盛唐卷之六

九

舟前小鷺兒 自注云漢州城西北角官池作

鷺兒黃似酒對酒愛新鷺引頸嗔船逼無行亂眼
多翅開遭宿雨力小困滄波客散層城暮狸狸柰
若何

雙燕

旅食驚雙燕銜泥入此堂應同避燥濕且復過炎
涼養子風塵際來時道路長今秋天地在吾亦離
殊方

百舌


百舌來何處重重祗報春知音兼眾語整翮豈多
身花密藏難見枝高聽轉新過時如發口君側有
讒人

子規

峽裏雲安縣江樓翼瓦齊兩邊山木合終日子規
啼眇眇春風見蕭蕭夜色凄 一作客愁那聽此故
作傍人低

孤鴈

孤鴈不飲啄飛鳴聲念羣誰憐一片影相失萬里



雲望盡似猶見哀多如更聞野鷗無意緒鳴噪自
紛紛

鷗

江浦寒鷗戲無它亦自饒却思翻玉羽隨意點春
苗雪暗還須浴一作落風生一任飄幾羣滄海上清
影日蕭蕭

促織

促織甚微細哀音何動人草根吟不穩牀下夜相
親久客得無淚故妻難及晨悲絲與急管感激異

天真

螢火

幸因腐草出敢近太陽飛未足臨書卷時能點客
木隨風隔幔小帶雨傍林微十月清霜重飄零何
處歸

歸燕

不獨避霜雪其如儔侶稀四時無失序八月自知
歸春色豈相訪衆雛還識機故巢儻未毀會傍主
人飛

詩紀

盛唐卷之八

七

猿

裊裊啼虛壁蕭蕭挂冷枝艱難人不免隱見爾如
知慣習元從衆全生或用竒前林騰每及父子莫
相離

黃魚

日見巴東峽黃魚出浪新脂膏兼飼犬長大不容
身筒桶相沿久風雷肯謂神一作伸泥沙卷涎沫廻
首恠龍鱗

白小

白小羣分命天然二寸魚細微霑水族風俗當園
蔬入肆銀花亂傾箱雪片虛生成猶拾卵盡取義
何如

麕

永與清谿別蒙將玉饌俱無才逐仙隱不敢恨庖
厨亂世輕全物微聲及禍樞衣冠兼盜賊饕餮用
斯須

鸚鵡

鸚鵡含愁思聰明憶別離翠衿渾短盡紅紫謾多

詩紀

盛唐卷之八十八

七

知未有開籠日空殘宿舊枝世人憐復損何用羽
毛竒

雞

紀德名標五初鳴度必三殊方聽有異失次曉無
慙間俗人情似充庖爾輩堪氣交亭育際巫峽漏
司南

歸鴈

聞道今春鴈南歸自廣州見花辭漲海避雪到羅
浮是物關兵氣何時免客愁年年霜露隔不過一作

遇五湖秋

歸鴈二首

萬里衡陽鴈今年又北歸雙雙瞻客上一一背人
飛雲裏相呼疾沙邊自宿稀繫書無浪語愁寂故
山薇
欲雪違胡地先花別楚雲却過清渭影高起洞庭
羣塞北春陰暮江南日色曛傷弓流落羽行斷不
堪聞

蕃劍

詩已

言糸
盛唐卷之八
致此自僻遠又非珠玉裝如何有奇怪每夜吐光
芒虎氣必騰上龍身寧久藏風塵苦未息持汝奉
明王

秋笛

清商欲盡奏奏苦血霑衣他日傷心極征人白骨
歸相逢恐恨過故作發聲微不見秋雲動悲風稍
稍飛

銅餅

亂後碧井廢時清瑤殿深銅餅未失水百丈有哀

音側想美人意應悲寒甃沈蛟龍半缺落猶得折
黃金

觀李固請司馬弟山水圖三首

簡易高人意匡牀竹火爐寒天留遠客碧海挂新
圖雖對連山好貪看絕島孤羣仙不愁思冉冉下
蓬壺

方丈渾連水天台總映雲人間長見畫老去恨空
聞范蠡舟偏小王喬鶴不羣此生隨萬物何處出
塵氛

高浪垂翻屋崩崖欲壓牀野橋分子細沙岸繞微
茫紅浸珊瑚短青懸薜荔長浮查並坐得仙老暫
相將

嚴公廳宴同賦蜀道畫圖得空字

日臨公館靜畫列地圖雄劔閣星橋北松州雪嶺
東華夷山不斷吳蜀水相通興與煙霞會清樽幸
不空

畫鷹

素練風一作霜起蒼鷹畫作殊攫音身思狡兔側

目似愁胡條鋌光堪摘軒楹勢可呼何當擊凡鳥
毛血灑平蕪

閬州別房太尉墓今本無閬州二字

他鄉復行役駐馬別孤墳近淚無乾土低空有斷
雲對碁陪謝傅把劔覓徐君唯見林花落鶯啼送
客聞

聞高常侍亡自注云忠州作

歸朝不相見蜀使忽傳亡虛歷金華省何殊地下
郎致君丹檻折哭友白雲長獨步詩名在祗令故

舊傷

承聞故房相公靈櫬自閬州啓殯歸葬東

都有作二首

遠聞房太守

一作尉

歸葬陸渾山一德興王後孤魂

久客間孔明多故事安石竟崇班他日嘉陵淚

一作

涕仍霑楚水還

丹旄飛飛日初傳發閬州風塵終不解江漢忽同
流劔動親身匣書歸故國樓盡哀知有處為客恐
長休

故武衛將軍挽詞三首

嚴警當寒夜前軍落大星壯夫思敢決哀詔惜精
靈王者今無戰書生已勒銘封侯意踈闊編簡為
誰青

舞劔過人絕鳴弓射獸能銛鋒行愜順猛噬失躡
騰赤羽千夫膳黃河十月冰橫行沙漠外神速至
今稱

哀挽青門去新阡絳水遙路人紛兩泣天意颯風
颯部曲精仍銳匈奴氣不驕無由覩雄畧大樹日

寺已

盛唐卷之八

七

蕭蕭

哭嚴僕射歸櫬

素幔隨流水歸舟返舊京老親如宿昔部曲異平生
風送蛟龍雨天長驃騎營一哀三峽暮遺後見君情

重哭李尚書

滄泗不能收哭君餘白頭兒童相顧盡宇宙此生
浮江兩銘旌濕湖風井逕秋還瞻魏太子賓客減應劉

哭李常侍嶧二首

一代風流盡修文地下深斯人不重見將老失知音
短日行梅嶺寒山落桂林長安若箇畔猶想映貂金

青瑣陪雙入銅梁阻一辭風塵逢我地江漢哭君時
次第尋書札呼兒檢贈詩發揮王子表不愧史臣辭

盛唐第八十八

詩二首

盛唐第八十九

唐詩紀一百四十九

鄆郡吳瑄彙編

鄆郡俞體初同校

杜甫 二十一

七言律詩一

奉和賈至舍人早朝大明宮

自注云舍人先世掌絲綸

五夜漏聲催曉箭
九重春色醉仙桃
旌旗日煖龍蛇動
宮殿風微燕雀高
朝罷香煙攜滿袖
詩成珠玉在揮毫
欲知世掌絲綸美
池上于今有鳳毛

宣政殿退朝晚出左掖

天門日射黃金榜春殿晴曛赤羽旗宮草霏霏一作
微承委珮爐煙細細駐遊絲雲近蓬萊常五色雪
殘鳩鵲亦多時侍臣緩步歸青瑣退食從容出每
遲

紫宸殿退朝口號

戶外昭容紫袖垂雙瞻御座引朝儀香飄合殿春
風轉花覆千官淑景移晝漏稀一作聞高閣報天
顏有喜近臣知宮中每出歸東省會送夔龍集鳳

池

題省中壁

掖垣竹埤梧十尋洞門對雪常陰陰落花遊絲白
日靜鳴鳩乳燕青春深腐儒衰晚謬通籍退食遲
迴違寸心衮職曾無一字補許身愧比雙南金

贈田九判官梁丘

崆峒使節下青霄河隴降王欵聖朝宛馬總肥春
首宿將軍只數漢一作嫖姚陳畱玩瑀誰爭長京
兆田郎早見招麾下賴君才並入獨能無意向漁

詩紀

盛唐卷之八十九

三

樵

贈獻納起居田舍人澄

獻納司存雨露邊地分清切任才賢舍人退食收
封事宮女開函近一作捧御筵曉漏追趨青瑣闥晴
牕點檢白雲篇楊雄更有河東賦唯待吹噓送上
天

贈韋七贊善

鄉里衣冠不乏賢杜陵韋曲未央前爾家最近魁
三象自注云斗魁下兩兩相比為三台時論同歸尺五天自注云俚語曰

城南韋杜
去天尺五

北走關山開雨雪南遊花柳塞風煙洞
庭春色悲公子蝦菜忘歸范蠡船

院中晚晴懷西郭茅舍

幕府秋風日夜清澹雲踈雨過高城葉心朱實堪
一作看時落階面青苔先自生復有樓臺銜暮景不
勞鐘鼓報新晴浣花谿裏花饒笑肯信吾兼吏隱
名

江雨有懷鄭典設

春雨闇闇塞峽中早晚來自楚王宮亂波分披已

詩已

或唐詩卷之八

三

言糸 盛唐卷之八十九
打岸弱雲狼籍不禁風寵光蕙葉與多碧點注桃花舒小紅谷口子真正憶汝岸高瀼滑限西東

多病執熱奉懷李尚書

衰年正苦病侵陵首夏何須氣鬱蒸大水淼茫炎海接奇峯碑兀火雲升思霑道暍黃梅雨敢望宮恩玉井水不是尚書期不顧山陰野雪興難乘

因許八奉寄江寧旻上人

不見旻公三十年封書寄與淚潺湲舊來好事今能否老去新書誰與一作傳傳碁局動隨幽一作澗

竹袈裟憶上泛湖船聞君話我爲官在頭白昏昏只醉眠

至日遣興奉寄北省舊閣老兩院故人二

首一作奉寄兩院補遺○國史補云兩省呼爲閣老

去歲茲辰捧御牀五更三點入鷄行欲知趨走傷

心地一作處正想氤一作氛氲滿眼香無路從容陪笑

語有時顛倒著衣裳何人錯憶一作認窮愁日愁日

愁隨一線長

憶昨逍遙供奉班去年今日侍龍顏麒麟不動爐

言終
煙上孔雀徐開扇影還玉几由來天北極朱衣只
在殿中間孤城此日堪腸斷愁對寒雲白一作滿
山

暮登四一作西安寺鍾樓寄裴十迪

暮倚高樓對雪峯僧來不語自鳴鐘孤城返照紅
將斂近市浮煙翠且重多病獨愁常闕寂故人相
見未從容知君苦思緣詩瘦太向交游萬事慵

寄杜位自注云位京中有宅近西曲江詩尾有述

近聞寬法離新州想見歸懷尚百一作憂逐客雖

皆萬里去悲君已是十年流干戈况復塵隨眼鬢
髮還應雪滿頭玉壘題書心緒亂何時更得曲江
遊

王十七侍御掄許攜酒至草堂奉寄此詩
便請邀高三十五使君同到

老夫臥穩一作病朝慵起白屋寒多煖始開江鶴巧

當幽徑浴鄰雞還過短墻來繡衣屢許攜家釀一作
醞醞皂蓋能忘折野梅戲假霜威促山簡須成一醉

習池回

寺已

奉寄別馬巴州

自注云時甫除京兆功曹在東川

勲業終歸馬伏波功曹非

無一作

復漢蕭何扁舟繫

纜沙邊久南國浮雲水上多獨把魚竿終遠去難

隨鳥翼一相過知君未愛春湖色與在驪駒白玉

珂

奉寄高常侍

汶上相逢年頗多飛騰無那故人何總戎楚蜀應
全未方駕曹劉不啻過今日朝廷須汲黯中原將
帥憶廉頗天涯春色催遲暮別淚遙添錦水波

奉寄章十侍御

自注云時初罷梓州刺史東川留後將赴朝廷

淮海維揚一俊人金章紫綬照青春指麾能事回

天地訓練強兵動鬼神湘西不得歸關羽河內猶

宜借寇恂朝覲從容問幽側勿云江漢有垂綸

將赴成都草堂途中有作先寄嚴鄭公五

首

得歸茅屋赴成都真爲文翁再剖符但使閭閻還

揖讓敢論松菊久荒蕪魚知丙穴由來美酒憶郫

筒不用沽五馬舊曾諳小徑幾迴書札待潛夫

詩記

卷之八

六

言糸 盛唐卷之八十九 六
處處清江帶白蘋故園猶得見殘春雪山丘候無
兵馬錦里逢迎有主人休怪兒童延俗客不教鵝
鴨惱比鄰習池未覺風流盡况復荊州賞更新
竹寒沙碧浣花谿橘一竹刺藤梢咫尺迷過客徑
須愁出入居人不自解東西書籤藥裹封蛛網野
店山橋送馬蹄肯藉荒亭春草色先判一飲醉如
泥

常苦沙崩損藥欄也從江檻落風湍新松恨不高
千尺惡竹應須斬萬竿生理祇憑黃閣老衰顏欲
付紫金丹三年奔走空皮骨信有人間行路難
錦官城西生事微烏皮几在還思歸昔去爲憂亂
兵入今來已恐鄰人非側身天地更懷古回首風
塵甘息機共說總戎雲鳥陣不妨遊子芰荷衣

奉侍嚴大夫

殊方又喜故人來重鎮還須濟世才常怪偏裨終
日待不知旌節隔年回欲辭已徼啼鶯合遠下荆
門去鷁催身老時危思會向一生襟抱向誰開

寄常徵君

詩紀

盛唐卷之八十九

七

白水青山空復春
徵君晚節傍風塵
楚妃堂上色
殊衆海鶴塔前鳴
向人萬事糾紛猶絕粒
一官羈絆實藏身
開州入夏知涼冷
不似雲安毒熱新

舍弟觀赴藍田取妻子到江陵喜寄三首

汝迎妻子達荊州
消息真傳解我憂
鴻鴈影來連峽內
鵲鴿飛急到沙頭
曉關險路今虛遠
禹鑿寒江正穩流
朱紱卽當隨彩鷁
青春不假報黃牛

馬度秦山雪正深
北來肌骨苦寒侵
他鄉就我生春色
故國移居見客心
歡劇一作臆欲提攜如意舞
喜

多行坐白頭
吟巡簷索共一作近梅花笑
冷蘂踈枝

半不禁

庾信羅含俱有宅
春來秋去作誰家
短墻若在從殘草
喬木如存可假花
卜築應同一作如蔣詡徑
爲園須似邵平瓜
比年病酒開涓滴
弟勸兄酬何怨嗟

遣悶戲呈路十九曹長

江浦雷聲喧昨夜
春城雨色動微寒
黃鸝並坐交愁濕
白鷺羣飛大劇乾
晚節漸於詩律細
誰家數

寺已

盛唐詩集卷之八十九

去酒杯寬知君最今本作醉愛清狂客百遍相過一作看
意未闌

陪李七司馬皂江上觀造竹橋卽日成往
來之人免冬寒入水聊題短作奉簡李公
伐竹爲橋結構同褰裳不涉往來通天寒白鶴歸
華表日落青龍見水中顧我老非題柱客知君才
是濟川功合歡一作云當却笑千年事驅石何時到
海東

崔評事弟許相迎不到應慮老夫見泥雨

怯出必愆佳期走筆戲簡

江閣邀賓許馬迎午時起坐自天明浮雲不負青
春色細雨何孤白帝城身過花間霑濕好醉於馬
上往來輕虛疑皓首衝泥怯實少銀鞍傍險行

簡吳郎司法

有客乘舸自忠州遣騎安置灤西頭古堂本買藉
踈豁借汝遷居停宴遊雲石熒熒高葉曉風江颯
颯亂帆秋却爲姻婭過逢地許坐層軒數散愁

又呈吳郎

詩已

言糸
堂前撲棗任西鄰無食無兒一婦人不爲困窮寧
有此祗緣恐懼轉須親卽防遠客雖多事使插踈
籬却甚真已訴徵求貧到骨正思戎馬淚盈巾

示獠奴阿段

山木蒼蒼落日曛竹竿裊裊細泉分郡人入夜爭
餘瀝穉一作子尋源獨不聞病渴三更迴白首傳
聲一注濕青雲曾驚陶侃胡奴異怪爾常穿虎豹
羣

和裴迪登蜀州東亭送客逢早梅相憶見

寄

東閣官梅動詩興還如何遜在揚州此時對雪遙
相憶送客逢花今本可自由幸不折來傷歲暮若
爲看去亂春今本愁江邊一樹垂垂發朝夕催人
自白頭

奉酬嚴公寄題野亭之作

拾遺曾奏數行書懶性從來水竹居奉引濫騎沙
苑馬幽棲真釣錦江魚謝安不倦登臨費阮籍焉
知禮法踈枉沐旌麾出城府草茅無逕欲教鋤

寺已

酬郭十五判官受

才微歲晚

今本作老

尚虛名臥病江湖春復生藥裹關

心詩總廢花枝照眼句還成只同燕石能星隕自

得隨珠覺夜明喬口橘洲風浪促繫帆何惜片時

程

送鄭十八虔貶台州司戶傷其臨老陷賊

之故闕為面別情見於詩

鄭公樗散鬢如絲酒後常稱老畫師萬里傷心嚴
譴日百年垂死中興時蒼皇已就長途往邂逅無

端出餞遲便與先生應永訣九重泉路盡交期

送韓十四江東覲省

兵戈不見老萊衣歎息人間萬事非我已無家尋

弟妹君今何處訪庭闈黃牛峽靜灘聲轉白馬江

寒樹影稀此別還

一作應

須各努力故鄉猶恐未同

歸

送路六侍御入朝

童稚情親四十年中間消息兩茫然更為後會知

何地忽漫相逢是別筵不分

一作憤

桃花紅勝錦生

詩已

盛唐卷之八十九

十一

言終
憎柳絮白於綿
劍南春色還無賴
觸忤愁人到酒邊

又送辛員外

雙峯寂寂對春臺
萬竹青青照客杯
細草留連侵坐軟
殘花悵望近人開
同舟昨日何由得
並馬今朝未擬回
直到綿州始分首
江頭樹裏共誰來

章梓州橘亭餞成都實少尹

秋日野亭千橘香
玉杯錦席高雲涼
主人送客何所作
自注云音佐行酒賦詩殊未央
衰老應爲難離別

賢聲此去有輝光
預傳籍籍新京兆
一作青史無

勞數趙張

將赴荆南寄別李劍州弟

使君高義驅今古
寥落三年坐劍州
但見文翁能化俗
焉知李廣未封侯
路經灩澦雙蓬鬢
天入滄浪一釣舟
戎馬相逢更何日
春風回首仲宣樓

季夏送鄉弟韶陪黃門從叔朝謁
按黃鶴云時杜

令弟尚爲蒼水使
自注云韶北兼開江使名家莫

寺已

盛唐卷之八十九

七

出杜陵人比來相國兼安蜀歸赴朝廷已入秦捨
舟策馬論兵地拖玉腰金報王身莫度清秋吟蟋
蟀早開黃閣畫麒麟

送李八秘書赴杜相公幕

青簾白舫益州來巫峽秋濤天地迴石出倒聽楓
葉下櫓搖背指菊花開貪趨相府今晨發恐失佳
期後命催南極一星朝北斗五雲多處是三台

奉送蜀州栢二別駕將中丞命赴江陵起
居衛尚書太夫人因示從弟行軍司馬位

中丞問俗畫熊頰愛弟傳書綵鷁新遷轉五州防
禦使起居八座太夫人楚宮臘送荆門水白帝雲
偷碧海春與報惠連詩不惜知吾斑鬢總如銀

送王十五判官扶侍還黔中得開字

大家東征逐子回風生洲渚錦帆開青青竹笋迎
船出白白江魚入饌來離別不堪無限意艱危須
仗濟時才黔陽信使應稀少莫怪頻頻勸酒杯

公安送韋二少府匡贊

逍遙公後世多賢送爾維舟惜別筵念我能書

一作

言終
能常數字至將詩不必萬人傳時危兵甲黃塵裏日
短江湖白髮前古往今來皆滄淚斷腸分手各風
煙

長沙送李十一銜

與子避地西康州洞庭相逢十二秋遠媿尚方曾
賜履竟非吾土倦登樓久存膠漆應難並一辱泥
塗遂晚收李杜齊名真忝竊朔雲寒菊倍離憂
畱別公安太易沙門

隱居欲就廬山遠麗藻初逢休上人數問舟航畱

製作長開篋筥擬心神沙村白雪仍含凍江縣紅
梅已放春先踏鑪峯置蘭若徐飛錫杖出風塵

鄭駙馬宴洞中

鄭潛曜虔姪也尚
玄宗臨晉公主

主家陰洞細煙霧畱客夏簟青琅玕春酒杯濃琥
珀薄冰漿椀碧碼碯寒悞疑茅堂一作屋過江麓已
入風磴靈雲端自是秦樓壓鄭谷時聞雜珮聲珊
珊

城西陂泛舟

青蛾皓齒在樓船橫笛短簫悲遠天春風自信牙

詩已

盛唐卷之八十九

古

言終
櫓動遲日徐看錦纜牽魚吹細浪搖歌扇燕蹴飛
花落舞筵不有小舟一作船能盪漿百壺那送酒如
泉

九日藍田崔氏莊

老去悲秋強自寬興來今日盡君歡羞將短髮還
吹帽笑倩傍人爲正冠藍水遠從千澗落玉山高
並兩峰寒明年此會知誰健醉一作再把茱萸子細
看

崔氏東山草堂

愛汝玉山草堂靜高秋爽氣多一作相鮮新有時自
發鐘磬響落日更見漁樵人盤剝白鷗谷口粟飯
煑青泥坊底芹何事一作爲西莊王給事柴門空閉
鎖松筠

曲江陪鄭八丈南史飲

雀啄江頭黃柳花鷓鴣鷓滿晴沙自知白髮非
春事且盡芳樽戀物華近侍卽今難浪迹此身那
得更無家丈人才一作文力猶強健豈傍青門學種
瓜

曲江二首

一片花飛減却春風飄萬點正愁人且看欲盡花
 經眼莫厭傷多酒入脣江上小堂巢翡翠苑一作花
 邊高冢臥麒麟細推物理須行樂何用浮名絆此
 身

朝回日日典春衣每日江頭盡醉歸酒債尋常行
 處有人生七十古來稀穿花蛺蝶深深見點水蜻
 蜓款款飛傳語風光共流轉暫時相賞莫相違

曲江對酒

苑外江頭坐不歸水精春一作宮殿轉霏微桃花細
 逐楊花落黃鳥時兼白鳥飛縱飲久拚人共棄嬾
 朝真與世相違吏一作舍情更覺滄洲遠老大徒傷
 未拂衣

嚴中丞仲夏枉駕草堂兼攜酒饌得寒字
 竹裏行厨洗玉盤花邊立馬簇金鞍非關使者徵
 求急自識將軍禮數寬百年地僻一作關柴門迴五
 月江深草閣寒看弄漁舟移白日老農何有罄交
 歡

宇文晁尚書之甥崔或司業之孫尚書之
子重泛鄭監前湖

郊扉俗遠長幽寂野水春來更接連錦席淹留還
出浦葛巾欹側未回船樽當霞綺輕初散棹拂荷
珠碎却圓不但習池歸酌酌君看鄭谷去黃緣

望嶽

西嶽峻嶒竦處尊諸峯羅立一作列似兒孫安得仙
人九節杖挂到玉女洗頭盆車箱入谷無歸一作回
路箭括通天有一門稍待一作得秋風涼冷後高尋

白帝問真源

涪城縣香積寺官閣

寺下春江深不流山腰官閣迴添愁含風翠壁孤
雲細背日丹楓萬木稠小院回廊春寂寂浴鳧飛
鷺晚悠悠諸天合在藤蘿外昏黑應須到上頭

登樓

花近高樓傷客心萬方多難此登臨錦江春色來
天地玉壘浮雲變古今北極朝廷終不改西山寇
盜莫相侵可憐後主還祠廟日暮聊爲梁甫吟

滕王亭子

自注云亭在玉臺觀內王曾典此州

君王臺榭枕巴山萬丈丹梯尚可攀春日鶯啼脩
竹裏仙家犬吠白雲間清江碧石傷心麗嫩藥濃
花滿目斑人到于今歌出牧來遊此地不知還

玉臺觀

自注云滕王造

中天積翠玉臺遙上帝高居絳節朝遂有馮夷來
擊鼓始知羸女善吹簫江光隱見鼉鼉窟石勢參
差烏鵲橋更有紅顏生羽翰便應黃髮老漁樵

峽中覽物

曾為掾吏趨三輔憶在潼關詩興多巫峽忽如瞻
華嶽蜀江猶一作還似見黃河舟中得病移衾枕洞
口經春長薜蘿形勝有餘風土惡幾時回首一高
歌

灩澦

灩澦既沒孤根深西來水多愁太陰江天漠漠鳥
雙去風雨時時龍一吟舟人漁子歌回首估客胡
商淚滿襟寄語舟航惡年少休翻鹽井橫一作擲黃
金

白帝

白帝城中一作雲出門若一作白帝城下雨翻盆高

江急峽雷霆鬪古一作木長蒼一作藤日月昏戎一作

去馬不如歸馬逸千家今有百一作家存哀哀寡

婦誅求盡慟哭秋原何處村

白帝城最高樓

城尖徑仄旌旆愁獨立縹緲之飛樓峽坼雲霾龍
虎睡江清日抱黿鼉遊扶桑西枝封斷石弱水東
影隨長流杖藜歎世者誰子泣血迸空回白頭

江陵節度使陽城郡王新樓成王請嚴侍

御判官賦七字句同作

樓上炎天冰雪生高飛燕雀賀新成碧牕宿霧濛
濛濕朱栱浮雲細細輕杖鉞褰帷瞻具美投壺散
帙有餘清自公多暇延參佐江漢風流萬古情

又作此奉衛王

西北樓成雄楚都遠開山岳散江湖二儀清濁還
高下三伏炎蒸定有無推轂幾年惟鎮靜曳居終
日盛文儒白頭授簡焉能賦媿似相如為大夫

嚴中丞枉駕見過

自注云嚴自東川除西川敕令兩川都節制

元戎小隊出郊坰問柳尋花到野亭川合東西瞻

使節地分南北任浮萍扁舟不獨如張翰皂

舊本作白

帽應兼似管寧寂寞江天雲霧裏何人道有少微

星

客至

自注云喜崔明府相過

舍南舍北皆春水但見

一作看

羣鷗日日來花徑不

曾緣客掃蓬門今始為君開盤餐市遠無兼味樽

酒家貧只舊醅肯與鄰翁相對飲隔籬呼取盡餘

杯

賓至

一題作有客

幽棲地僻經過少老病人扶再拜難豈有文章驚

海內謾勞車馬駐江干竟日淹留佳客坐百年麤

糲腐儒餐不

一作莫

嫌野外無供給乘興還來看藥

欄

盛唐第八十九

春山無伴獨相求
 伐木丁丁山更幽
 澗道餘寒歷
 冰雪石門斜日到
 林丘不貪夜識金
 銀氣遠害朝
 看麋鹿遊乘興杳
 然迷出處對君疑
 是泛虛舟

盛唐第九十

唐詩紀一百五十

鄆郡吳 瑄彙編

鄆郡俞體初同校

杜甫

二十二

七言律詩二

題張氏隱居

春山無伴獨相求
 伐木丁丁山更幽
 澗道餘寒歷
 冰雪石門斜日到
 林丘不貪夜識金
 銀氣遠害朝
 看麋鹿遊乘興杳
 然迷出處對君疑
 是泛虛舟

詩紀

盛唐卷之九十九

三

題鄭縣亭子

鄭縣亭子澗之濱戶牖憑高發興新雲斷嶽蓮臨
大路一作天晴青一作宮柳暗長春巢邊野雀羣欺
燕花底山峯遠趁人更欲題詩滿青竹晚來幽獨
恐傷神

七月一日題終明府水樓二首

高棟層軒已自涼秋風此日灑衣裳
脩然欲下陰山雪不去非無漢署香
絕壁過雲開錦繡踈松隔水奏笙簧
看君宜著王喬履真賜還疑出尚方

虞子彈琴邑宰日終軍棄繻英妙時承家節操尚
不泯為政風流今在茲可憐賓客盡傾蓋何處老
翁來賦詩楚江巫峽半雲雨清簟踈簾看奕碁

覃山人隱居

南極老人自有星北山移文誰勒銘
徵君已去獨松菊哀壑無光留戶庭
予見亂離不得已子知出處必須經
高車駟馬帶傾覆悵望秋天虛翠屏

柏學士茅屋

碧山學士焚銀魚白馬却走身巖居
古人已用三

冬足年少今開萬卷餘晴雲滿戶團傾蓋秋水浮
塔溜決渠富貴必從勤苦得男兒須讀五車書

卜居

按鮑文壹云公至成都節度裴冕為公卜成都西郭浣花谿作草堂

浣花谿

一作之

水水西頭主人為卜林塘幽已知出

郭少塵事更有澄江銷客愁無數蜻蜓齊上下

雙鷗鵝對沈浮東行萬里堪乘興須向山陰上小

舟

堂成

背郭堂成蔭白茅緣江路熟俯青郊
檜林礙日吟

風葉

自注云檜木名不材可充薪而已惟蜀地最宜種

籠竹和煙滴露梢

暫上飛鳥將數子頻來語燕定新巢
旁人錯比楊

雄宅嬾惰無心作解嘲

江村

清江一曲抱村流長夏江村事事幽
自去自來梁

上燕相親相近水中鷗老妻畫紙為
碁局稚子敲

針作釣鈞多病所須惟藥物微軀
此外更何求

南鄰

錦里先生烏角巾園收芋栗未

一作不

全貧慣看賓

客兒童喜得食階除鳥雀馴秋水纔深四五尺野
艇音延今本改航非 恰受兩三人白沙翠竹江村暮想送
柴門月色新

進艇

南京久客耕南畝北望傷神坐北牕晝引老妻乘
小艇晴看稚子浴清江俱飛蛺蝶元相逐並蒂芙
蓉本自雙茗飲蔗漿攜所有瓷甕無謝玉爲缸

野老

野老籬前江岸迴柴門不正逐江開漁人網集澄

潭下賈客船隨返照來長路關心悲劔閣片雲何

意一作行傍琴臺王師未報收東郡城闕秋生畫

角哀自注云得稱城闕按趙次公云時成

赤甲赤甲夔州山名大曆二年公遷居赤甲

卜居赤甲遷居新兩見巫山楚水春炙背可以獻
天子美芹由來知野人荊州鄭薛寄書近蜀客郗
岑非我鄰笑接郎中評事飲病從深酌道吾真

卽事

暮春三月巫峽長晶晶行雲浮日光雷聲忽送千

峯雨花氣渾如百和香黃鶯過水翻迴去燕子銜
泥濕不妨飛閣卷簾圖畫裏虛無只少對瀟湘

蜀相

丞相祠堂何處尋錦官城外柏森森映階碧草自
春色隔葉黃鸝空好音三顧頻繁天下計兩朝開
濟老臣心出師未捷身先死長使英雄淚滿襟

詠懷古跡五首

支離東北風塵際漂泊西南天地間三峽樓臺淹
日月五谿衣服共雲山羯胡事主終無賴詞客哀

時且未還庾信平生最蕭瑟暮年詩賦動江關

搖落深知宋玉悲風流儒雅亦吾師悵望千秋一

灑淚蕭條異代不同時江山故宅空文藻雲雨荒

臺豈夢思最是楚宮俱泯滅舟人指點到今疑

羣山萬壑赴荆門生長明妃尚有村一去紫臺連

朔漠獨留青塚向黃昏畫圖省識春風回環珮空

歸月夜寬千歲琵琶作胡語分明怨恨曲中論

蜀主窺吳幸二峽崩年亦在永安宮翠華想像空

山裏玉殿虛無野寺中

自注云山有臥龍寺先主祠在焉

古廟杉

言終
松巢水鶴歲時伏臘走村翁武侯祠屋長鄰近注自

云殿今為寺
廟在宮東 一體君臣祭祀同

諸葛大名垂宇宙宗臣遺像肅清高三分割據紆

籌策萬古雲霄一羽毛伯仲之間見伊呂指揮若

定失蕭曹運一作福移漢祚終難一作難復志決身殲

軍務勞

聞官軍收河南河北

劍外忽傳收薊北初聞涕淚滿衣裳却看妻子愁
何在謾卷詩書喜欲狂白首放歌須縱酒青春作

伴好還鄉即從巴峽穿巫峽便下襄陽向洛陽注自

云余用園
在東川

諸將五首

漢朝陵墓對南山胡虜千秋尚入關昨日玉魚蒙

葬地早時金盃出人間見愁汗馬西戎逼曾閃朱

旗北斗殷今本多少材官守涇渭將軍且莫破愁

顏

韓公韓國公張本意築三城擬絕天驕拔漢旌豈

謂盡煩回紇馬翻然遠救朔方兵胡來不覺潼關

寺記

盛唐卷之九

六

言糸
盛唐卷之九
六
隘龍起猶聞晉水清獨使至尊憂社稷諸君何以
荅升平

洛陽宮殿化為烽休道秦關百二重滄海未全歸

禹貢薊門何處覓堯封朝廷衮職誰爭補一作雖多預

天下軍儲自不供稍喜臨邊王相國王縉也肯銷金

甲事春農

回首扶桑銅柱標冥冥氛祲未全銷越裳翡翠無

消息南海明珠久寂寥殊錫曾為大司馬總戎皆

插侍中貂炎風朔雪天王地只在忠良翊聖朝

錦江春色逐人來巫峽清秋萬壑哀正賴一作憶往

時嚴僕射共迎中使望鄉臺主恩前後三持節軍

令分明數舉杯西蜀地形天下險安危須仗出羣

材

秋興八首

玉露凋傷楓樹林巫山巫峽氣蕭森江間波浪兼

天湧塞上風雲接地陰叢菊兩開他日淚孤舟一

繫故園心寒衣處處催刀尺白帝城高急暮砧

夔府孤城落日斜每依北斗望京華聽猿實下三

詩記

盛唐卷之九

七

聲淚奉使虛隨八月槎
畫省香爐違伏枕
山樓粉堞隱悲笳
請看石上藤蘿月已映
洲前蘆荻花
千家山郭靜朝暉
日日江樓坐翠微
信宿漁人還汎汎
清秋燕子故飛飛
匡衡抗疏功名薄
劉向傳經心事違
同學少年多不賤
五陵衣馬自輕肥
聞道長安似奕棋
百年世事不勝悲
王侯第宅皆新主
文武衣冠異昔時
直北關山金鼓振
征西車馬羽書遲
魚龍寂寞秋江冷
故國平居有所思
蓬萊宮闕對南山
承露金莖霄漢間
西望瑤池降

王母東來紫氣滿
函關雲移雉尾開
宮扇日繞龍鱗識
聖顏
一臥滄江驚歲晚
幾回青瑣點音義與玷同

朝班

瞿唐峽口曲江頭
萬里風煙接素秋
花萼夾城通御氣
芙蓉小苑入邊愁
珠簾繡柱圍黃鵠一作鶴
錦纜牙檣起白鷗
回首可憐歌舞地
秦中自古帝王州

昆明池水漢時功
武帝旌旗在眼中
織女機絲虛夜月
石鯨鱗甲動秋風
波漂菰米沈雲黑
露冷蓮

詩紀

盛唐卷之九

八

房墜粉紅關塞極天唯鳥道江湖滿地一漁翁
昆吾御宿自逶迤紫閣峯陰入漢陂香稻啄餘鸚
鷓粒碧梧棲老鳳凰枝佳人拾翠春相問仙侶同
舟晚更移綵筆昔曾干氣象白頭吟望苦低垂

恨別

洛城一別四千里胡騎長驅五六年草木變衰行
劍外兵戈阻絕老江邊思家步月清宵立憶弟看
雲白日眠聞道河陽近乘勝司徒急爲破幽燕

野望

西山白雪三城一作奇戍南浦清江萬里橋海內風
塵諸弟隔天涯涕淚一身遙唯將遲暮供多病未
有涓埃答聖朝跨馬出郊時極目不堪人事日蕭
條

秋盡

秋盡東行且未迴茅齋寄在少城隈籬邊老却陶
潛菊江上徒逢袁紹杯雪嶺獨看西日落劔門猶
阻北人來不辭萬里長爲客懷抱何時得一作獨好
開

詩紀

盛唐卷之九

九

野望

金華山北涪水西仲冬風日始
凄凄山連粵嶠蟠
三蜀水散巴渝下五谿獨鶴
不知何事舞饑鳥似
欲向人啼射洪春酒寒仍
綠目極傷神誰為攜

撥悶

一題作贈嚴二別駕

聞道雲安麴米春纔傾一盞
卽醺人乘舟取醉非
難事下峽銷愁定幾巡長年
三老遙憐汝捩柁開
頭一作捷有神已辦青錢防
顧直當令美味入吾
脣

愁

自注云強戲為吳體

江草日日喚愁生巫峽冷冷
非世情盤渦鷺浴底
心性獨樹花發自分明十年
戎馬暗萬今本國異
域賓客老孤城渭水秦川
今本得見否人今罷病
虎縱橫

晝夢

二月饒睡昏昏然不獨夜短
晝分眠桃花氣煖眼
自醉春渚日落夢相牽故鄉
門巷荆棘底中原君
臣豺虎邊安得務農息戰鬪
普天無吏橫索錢

詩記

盛唐卷之九

十

返照

楚王宮北正黃昏白帝城西過雨痕返照入江翻
石壁歸雲擁樹失山村衰年肺病惟高枕絕塞愁
時早閉門不可久留豺虎亂南方實有未招魂

黃草

黃草峽西船不歸赤甲山下人行今本作稀秦中
行人
驛使無消息蜀道兵一作千戈有是非萬里秋風吹
錦水誰家別淚濕羅衣莫愁劔閣終難據聞道松
州已被圍

卽事

天畔羣山孤草亭江中風浪雨冥冥一雙白魚不
受釣三寸黃甘猶自青多病長卿無日起窮途阮
籍幾時醒未聞細柳散金甲腸斷秦川流濁涇

狂夫

萬里橋西一草堂百花潭水卽滄浪風含翠篠娟
娟淨雨裊紅蕖冉冉香厚祿故人書斷絕恒饑稚
子色淒涼欲填溝壑唯踈放自笑狂夫老更狂

宿府

詩紀

盛唐卷之九

七

言
清秋幕府井梧寒獨宿江城蠟炬殘永夜角聲悲
自語中天月色好誰看風塵荏苒音書絕關塞蕭
條行路難已忍伶俜十年事疆移栖息一枝安

暮歸

霜黃碧梧白鶴栖城上擊柝復烏啼客子入門月
皎皎誰家搗練風淒淒南渡桂水闕舟楫北歸秦
川多鼓鞞年過半百不稱意明日看雲還杖藜

所思

苦憶荊州醉司馬

自注云崔吏部倚

謫官樽酒

一作

定常

開九江日落醒何處一柱觀頭眠幾迴可憐懷抱
向人盡欲問平安無使來故憑錦水將雙淚好過

一作

瞿塘灑瀨堆

曉發公安數月憇息此縣

北城擊柝復欲罷東方明星亦不遲鄰雞野哭如
昨日物色生態能幾時舟楫眇然自此去江湖遠
適無前期出門轉眄已陳迹藥餌扶吾隨所之

小寒食舟中作

佳辰強飲食猶寒隱几蕭條戴鶻冠春水船如天

詩記

卷之三十一

三

上坐老年花似霧中看娟娟戲蝶過開世本慢片
片輕鷗下急湍雲白山青萬餘里愁看直北是長
安

曲江值雨

城上春雲覆苑牆江亭晚色靜年芳林花著雨臙
脂落水荇牽風翠帶長龍武新軍深駐輦芙蓉別
殿謾焚香何時詔一作此金錢會暫一作醉佳人
錦瑟傍

早秋苦熱堆案相仍

七月六日苦炎蒸今本對食暫餐還不能每愁夜
中自足蠍况乃秋後轉多蠅束帶發狂欲大叫簿
書何急來相仍南望青松架短壑安得赤脚踏層
冰

江上值水如海勢聊短述

為人性僻耽佳句語不驚人死不休老去詩篇渾
謾興春來花鳥莫深愁新添水檻供垂釣故著浮
槎替入舟焉得思如陶謝手令渠述作與同遊
雨不絕

言糸
卷之九
十三
鳴雨既過漸細微映空搖颺如絲飛階前短草泥
不亂院裏長條風乍稀舞石旋應將孔子行雲莫
自濕仙衣眼邊江舸何匆促未得安流逆浪歸

臘日

臘日常年煖尚遙今年臘日凍全消侵凌雪色還
萱草漏洩春光有柳條縱酒欲謀良夜醉還家初
散紫宸朝口脂面藥隨恩澤翠管銀罌下九霄

九日

去年登高鄴縣北今日重在涪江濱苦遭白髮不

相放羞見黃花無數新世亂鬱鬱久爲客路難悠
悠常傍人酒闌却憶十年事腸斷驪山清路塵

至後

冬至至後日初長遠在劔南思洛陽青袍白馬有
何意金谷銅駝非故鄉梅花欲開不自覺棣萼一
別永相望愁極本憑詩遣興詩成吟詠轉淒涼

十二月一日三首

今朝臘月春意動雲安縣前江可憐一聲何處送
書鴈百丈誰家上瀨一作水船未將梅蕊驚愁眼更

取楸今本花媚遠天明光起草人所羨肺病幾時

朝日邊

寒輕市上山煙碧日滿樓前江霧黃負鹽出井此
谿女打鼓發船何郡郎新亭舉目風景切茂陵著
書消渴長春花不愁不爛熳楚客唯聽棹相將
卽看燕子入山扉豈有黃鸝歷翠微短短桃花臨
水岸輕輕柳絮點人衣春來準擬開懷久老去親
知見面稀他日一杯難強進重嗟筋力故山違

九日

重陽獨酌杯中酒抱病起一作登江上臺竹葉於
人既無分菊花從此不須開殊方日落玄猿哭舊
國霜前白鴈來弟妹蕭條各何在干戈衰謝兩相
催

九日

風急天一作高猿嘯哀渚清沙白鳥飛迴無邊落
木蕭蕭下不盡長江滾滾來萬里悲秋一作常作
客百年多病獨登臺艱難苦恨繁霜鬢潦倒新亭
濁酒杯

詩已

卷之九

七

閣夜

歲暮陰陽催短景天涯霜雪霽寒宵五更鼓角聲

悲壯三峽星河影動搖野哭千一作家聞戰伐夷

歌幾一作處起漁樵臥龍躍馬終黃土人事音書

舊本作漫寂寥

立春

春日春盤細生菜忽憶兩京梅發時盤出高門行

白玉菜傳纖手送青絲巫峽寒江那對眼杜陵遠

客不勝悲此身未知歸定處呼兒覓紙一題詩

暮春

臥病擁塞在峽中瀟湘洞庭虛映空楚天不斷四

時雨巫峽常吹萬里風沙上草閣柳新闌城邊野

池蓮欲紅暮春鴛鴦立洲渚挾子翻飛還一叢

冬至

年年至日長為客忽忽窮愁泥殺人江上形容吾

獨老天涯風俗自相親杖藜雪後臨丹壑鳴玉朝

來散紫宸心折此時無一寸路迷何處是三秦

小至

詩經
盛唐卷之九
天時人事日相催冬至陽生春又來刺繡五紋添
弱線吹葭六琯動浮灰岸容待臘將舒柳山意衝
寒欲放梅雲物不殊鄉國異教兒且覆掌中杯

人日

此日此時人共得一談一笑俗相看樽前栢葉休
隨酒勝裏金花巧耐寒佩劒衝星聊暫拔匣琴流
水自須彈早春重引江湖興直道無憂行路難

夜

露下天高秋氣清空山獨夜旅魂驚疎燈自照孤

帆宿新月猶懸雙舊本作數杵鳴南菊再逢人臥病北
書不至鴈無情步檐世本作檐非倚杖看牛斗銀漢遙
應接鳳城

吹笛

吹笛秋山風月清誰家巧作斷腸聲風飄律呂相
和切月傍一作倚關山幾處明胡騎中宵堪北走武
陵一曲想南征故園楊柳今搖落何得愁中却盡
生

燕子來舟中作

詩已

盛唐卷之九

七

湖南爲客動經春燕子銜泥兩度新舊入故園嘗
識主如今社日遠看人可憐處處巢居一作君室何
異飄飄託此身暫語船檣還起去今作處穿花帖今作
度又水益霑巾作落

野人送櫻桃

西蜀櫻桃也自紅野人相贈滿筠籠數迴細寫愁
仍破萬顆勻圓訝許同憶昨賜霑門下省退朝擎
出大明宮金盤玉筋無消息此日嘗新任轉蓬

題桃樹

小徑升堂舊不斜五株桃樹亦從遮高秋總餽鄰
一作貧人實來歲還舒滿眼花簾戶每宜通乳燕兒
童莫信打慈鴟寡妻羣盜非今日天下車書正一作
已一家

見螢火

巫山秋夜螢火飛簾踈巧入坐人衣忽驚屋裏琴
書冷復亂簷前星宿稀却繞井欄添箇箇偶經花
藥弄輝輝滄江白髮愁看汝來歲如今歸未歸

見王監兵馬使說近山有白黑二鷹羅者

久取竟未能得王以今本此下有為字毛骨有異

他鷹恐臘後春生騫飛避煖勁翮思秋之

甚眇不可見請余賦詩二首

雲飛玉立盡清秋不惜竒毛恣遠遊在野只教心

力破千人何事網羅求一生自獵知無敵百中爭

能耻下韝鵬礙九天須却避兔經一作三窟莫深

憂

黑鷹不省人間有度海疑從北極來正翮搏風超

紫塞玄冬幾夜宿陽臺虞羅自覺今本各虛施巧春

鴈同歸必見猜萬里寒空只今本一日金眸玉爪

不凡材

詩經

卷之九

九

盛唐第九十

盛唐第九十

